



Selamat Datang
Ke Laman Portal
Universiti Putra Malaysia

UTAMA | FAKTA & ANGKA | DIREKTORI KAKITANGAN | LOKASI | PETA LAMAN | SOALAN LAZIM | HUBUNGI KAMI

CARI



Selasa, November 03, 2015

MENGENAI KAMI | PENYELIDIKAN | AKADEMIK | JARINGAN | ANTARABANGSA | KEHIDUPAN KAMPUS | PERKHIDMATAN

| A- | A | A+ | EN | RU | AR

BERITA »

UPM anjur Majlis Korban PUTRA UPM-Vietnam sempena Aidil Adha

Oleh Azman Zakaria



HO CHI MINH (VIETNAM), 25 Sept: Universiti Putra Malaysia (UPM) menganjurkan Majlis Korban PUTRA UPM-Vietnam 2015, di dua wilayah di Vietnam sempena Hari Raya Aidil Adha tahun ini.

Majlis diadakan di District 8, Ho Chi Minh City dan di Tay Nih Province.

Majlis perasmian dan penyerahan diadakan di Masjid Jam'lul Anwar, District 8, Bandaraya Ho Chi Minh pada 25 September, manakala majlis korban di Tay Nih Province diadakan di tujuh buah kampung pada 25 dan 26 September.

Ia diadakan di Masjid Darul Naim Lilmuslimin, Masjid Noorul Islam, Masjid Noorul Iman, Masjid Noorul Ehsan, Masjid Almubarah, Masjid Jamiul Nia'mat dan Masjid Noorul Nia'mat.

Majlis dianjurkan dengan kerjasama Pejabat Konsul Malaysia di Ho Chi Minh City dan Education Malaysia (MEPC) Ho Chi Minh City serta Persatuan Wakil Masyarakat Islam Vietnam.



Kejayaan Pusat Kokurikulum dan Pembangunan Pelajar (PKPP) UPM menganjurkan misi khidmat komuniti di Vietnam pada Mei 2015, mendorong UPM untuk meneruskan projek khidmat sosial antarabangsa.

Kesinambungan program khidmat komuniti secara berterusan, lestari dan berimpak tinggi juga akan meningkatkan keterlihatan UPM di persada antarabangsa.



Misi ini juga dapat menzahirkan kerjasama erat antara sesama masyarakat Islam di rantau ASEAN, lebih-lebih lagi ketika Malaysia menjadi pengerusi ASEAN.

Projek sukarelawan berimpak tinggi ini yang turut membabitkan pelajar sukarelawan UPM adalah juga suatu usaha untuk menterjemah ilmu pendidikan dan kemahiran pelajar dalam memberi sumbangan kepada masyarakat luar.- UPM

[RSS](#) | [Dasar Privasi](#) | [Dasar Keselamatan](#) | [Penafian](#) | [Notis Hakcipta](#) | [Peta Laman](#) | [Bantuan](#) | [Jumlah Pelawat](#) :
Paparan terbaik menggunakan Internet Explorer, Safari, Firefox, Google Chrome dengan resolusi 800 x 600 dan 1024 x 768 (S1)

@2013 Universiti Putra Malaysia
Kemaskini Terakhir : 03 Nov 2015

